

<p>«ՖԱՐՄ ԿՐԵՂԻՏ ԱՐՄԵՆԻԱ» ՈՒՎԿ ԱԿ</p>		<p>ՇԱՀՈՒԹԱԲԱԺՆԱՅԻՆ ՔԱՂԱՔԱԿԱՆՈՒԹՅՈՒՆ</p>
--------------------------------------	----------------------------------------------------------------------------------	---------------------------------------------

Հավելված 1

Հաստատված է «Ֆարմ Կրեղիտ Արմենիա» ՈՒՎԿ ԱԿ
Դիտորդ խորհրդի 2026թ. հունվարի 30-ի N 01 որոշմամբ
Խմբագրության հերթական համարը՝ 01

Ուժի մեջ է՝ 09.02.2026թ.

1. ՇԱՀՈՒԹԱԲԱԺՆԱՅԻՆ ՔԱՂԱՔԱԿԱՆՈՒԹՅԱՆ ՍԿԶԲՈՒՆՔՆԵՐԸ

- 1.1. Շահութաբաժնային քաղաքականությունն իրենից ներկայացնում է <<Ֆարմ Կրեղիտ Արմենիա>> ՈՒՎԿ ԱԿ (այսուհետ՝ ՎԿ) շահույթի կառավարման ընդհանուր քաղաքականության մի մասը:
- 1.2. ՎԿ շահութաբաժնային քաղաքականությունը հիմնվում է ՎԿ-ի ֆինանսական կայունության, կապիտալացման և իրացվելիության բարձրացման, ՎԿ-ի և նրա փայատերերի շահերի հավասարակշռվածության, ներդրված կապիտալի շահութաբերության ապահովման, փայատերերի իրավունքների պաշտպանության և նրանց բարեկեցության բարձրացման վրա:
- 1.3. ՎԿ-ն պետք է պահպանի կապիտալի համարժեքության բավարար մակարդակ՝ ՎԿ-ի ռազմավարական ծրագրով նախատեսված զարգացումն ապահովելու համար,
- 1.4. ՎԿ-ն պետք է պահպանի օրենսդրությամբ, ՎԿ ներքին իրավական ակտերով, ինչպես նաև ներդրողների և ֆինանսական միջոցների ներգավման պայմանագրերով սահմանված պահանջները:

2. ՇԱՀՈՒԹԱԲԱԺԻՆՆԵՐԻ ՎՃԱՐՄԱՆ ՊԱՅՄԱՆՆԵՐԸ

- 2.1. ՎԿ փայատերերին շահութաբաժինները վճարվում են օրենսդրության և հաշվապահական հաշվառման կանոններին համապատասխան հաշվարկված չբաշխված շահույթից:
- 2.2. Տարեկան շահութաբաժինների վճարման չափը չի կարող գերազանցել ՎԿ չբաշխված շահույթի գումարը:
- 2.3. Շահութաբաժիններն արտահայտվում են ընդհանուր գումարով և/կամ ՎԿ հաշվետու տարվա զուտ շահույթի տոկոսային մասով և/կամ մեկ փային բաժին ընկնող գումարով:
- 2.4. Շահութաբաժինները վճարվում են ՀՀ դրամով:
- 2.5. Շահութաբաժինների վճարման նախապայմաններն են՝

- ❖ ՎԿ-ում չբաշխված շահույթի դրական մնացորդի առկայությունը,
- ❖ շահութաբաժինների վճարման՝ սույն քաղաքականության 3-րդ գլխով նախատեսված սահմանափակումների բացակայությունը,
- ❖ Ֆինանսական ժամանակաշրջանի արդյունքներով առաջացած շահութաբաժինների վճարման (հայտարարման) մասին Ընդհանուր ժողովի որոշման առկայությունը:

3. ՇԱՀՈՒԹԱԲԱԺԻՆՆԵՐԻ ՎՃԱՐՄԱՆ ՍԱՀՄԱՆԱՓԱԿՈՒՄՆԵՐԸ

- 3.1. ՎԿ-ն համաձայն իր կանոնադրության մինչև 2035թ.-ի հունվարի 1-ը իր շահույթը ՎԿ-ի զարգացման նպատակով ուղղելու է ՎԿ-ի կապիտալի համալրմանը:
- 3.2. ՎԿ-ն մինչև 2035թ.-ի հունվարի 1-ը կարող է շահաբաժիններ վճարել բացառապես ՎԿ-ի կանոնադրական կապիտալում վերաներդնելու պայմանով կամ համաձայն բաժնետիրության պայմանագրի (shareholding agreement):
- 3.3. Շահութաբաժիններ վճարելը (հայտարարելը) արգելվում է, եթե այդ պահին ՎԿ կրած կորուստները (վնասները) հավասար են կամ գերազանցում են ՎԿ-ում առկա չբաշխված զուտ շահույթի գումարը:
- 3.4. ՎԿ-ն չի կարող կայացնել շահութաբաժիններ վճարելու մասին որոշում, եթե
 - ❖ ՎԿ Ընդհանուր ժողովի որոշման ընդունման պահին առկա է կամ այդ որոշման կատարման արդյունքում կարող է առաջանալ ՀՀ կենտրոնական բանկի կողմից սահմանված հիմնական տնտեսական նորմատիվները կամ ՎԿ և ՎԿ ներքին իրավական ակտերով սահմանված ցուցանիշները խախտելու հավանականություն,
 - ❖ շահութաբաժինների բաշխումը կհանգեցնի կամ կարող է հանգեցնել ՎԿ ֆինանսական վիճակի վատթարացման,
 - ❖ շահութաբաժինների բաշխումը հակասում է ՀՀ գործող օրենսդրությանը:

4. ՇԱՀՈՒԹԱԲԱԺԻՆՆԵՐԻ ՎՃԱՐՄԱՆ ՄԱՍԻՆ ՈՐՈՇՈՒՄԸ, ՎՃԱՐՄԱՆ ԿԱՐԳՆ ՈՒ ԺԱՄԿԵՏՆԵՐԸ

- 4.1. Շահութաբաժինների վճարման, շահութաբաժնի չափի և դրա վճարման ձևի մասին որոշումն ընդունում է ՎԿ Ընդհանուր ժողովը՝ ՎԿ Դիտորդ Խորհրդի առաջարկությամբ:
- 4.2. Ընդհանուր ժողովն իրավունք ունի ընդունել որոշում շահութաբաժիններ չվճարելու մասին:
- 4.3. Համաձայն ՎԿ կանոնադրության ՎԿ-ն իրավունք ունի վճարել շահութաբաժիններ բացառապես տարեկան արդյունքներով:

- 4.4. ԳԳՏ-ն ներկայացնում է Խորհրդին հիմնավորումներ, հաշվարկներ և առաջարկություններ տարեկան շահութաբաժինների վճարման մասին:
- 4.5. Շահութաբաժինների վճարումը պետք է կատարվի ոչ ուշ, քան շահութաբաժիններ վճարելու մասին Ընդհանուր ժողովի որոշման կայացումից 3 ամիս հետո:
- 4.6. Տարեկան շահութաբաժինների յուրաքանչյուր վճարման համար շահութաբաժիններ ստանալու իրավունք ունեցող ՎԿ բաժնետերերի ցուցակը կազմում է Խորհուրդը: